

ՀԱՆՐԱՅԻՆ ՀԵՌՈՒՍՏԱՌԱԴԻՈՇՆԿԵՐՈՒԹՅԱՆ ԽՈՐՀՐԴԻ 2019 ԹՎԱԿԱՆԻ
ՀՈՒԼԻՍԻ 31-Ի ՆԻՍՏԻ ՎԵՐԱԲԵՐՅԱԼ ՀԱՅՏԱՐԱՐՈՒԹՅՈՒՆ

Սույն թվականի հուլիսի 31-ին տեղի ունեցավ Հանրային հեռուստառադիոընկերության խորհրդի հերթական նիստը, որին մասնակցում էին Խորհրդի նախագահ Արա Շիրինյանը, անդամներ՝ Նարա Շլեպյանը, Մերուժան Տեր-Գուլանյանը, Ստեփան Զաքարյանը, Լևոն Գալստյանը, աշխատակազմի ղեկավար Շավարշ Վարդանյանը:

Խորհրդի անդամները լսեցին Հանրային ռադիոյի գործադիր տնօրեն Գարեգին Խումարյանի զեկույցը ռադիոընկերության համար նոր կապուղիների ձեռքբերման վերաբերյալ: Նախատեսվում է երկու գործող կապուղիներից բացի գործարկել ևս 4 հանրային ռադիոալիք՝ մանկական, մշակութային, ազգագրական (ներառյալ փոքրամասնությունների մշակույթ), պատմամշակութային («Ոսկե ֆոնդ»):

Խորհրդի անդամների քննարկմանը ներկայացվեց Հայաստանի ԶԼՄ-ների ինքնակարգավորման [նախաձեռնությանը](#) Հանրային հեռուստաընկերության, Հոգևոր-մշակութային «Շողակաթ» հեռուստաընկերության և Հանրային ռադիոընկերության միանալու առաջարկը: Խորհրդի անդամները ծանոթացան Հայաստանի ԶԼՄ-ների և լրագրողների էթիկական սկզբունքների [կանոնագրին](#) և քննարկման արդյունքում հավանություն տվեցին նախաձեռնությանը միանալու առաջարկին:

Խորհուրդն ընդունեց նաև ՀՀՌԻՄ ներքին աուդիտի 2019-2021 թթ. ռազմավարական և 2019 թ-ի տարեկան ծրագրերի փոփոխությունները վավերացնելու մասին Որոշումը (31 հուլիսի, 2019 թվականի № 40-Լ):